

Na osnovu člana 19. stav 2. Zakona o Vladi Federacije Bosne i Hercegovine („Službene novine Federacije BiH“, broj 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine donosi:

ODLUKU
O ČUVANJU I KORIŠTENJU DOKUMENTACIJE KOJA SE ODNOSI NA
PRIVATIZACIJSKE TRANSAKCIJE VEZANE ZA JAVNI UPIS DIONICA

I.

Ovom Odlukom propisuje se čuvanje dokumentacije koja se odnosi na privatizacijske transakcije nastale u toku procesa privatizacije, a vezane za javni upis dionica, koju su Agencija za finansijske, informatičke i posredničke usluge d.d. Sarajevo i Agencija za pružanje finansijskih, informatičkih i posredničkih usluga d.d. Mostar (u daljnjem tekstu: Agencije AFIP i FIP) preuzele od Zavoda za platni promet Federacije Bosne i Hercegovine (u daljem tekstu: Zavod za platni promet), prije njegove transformacije i likvidacije, te način korištenja te dokumentacije.

II.

Čuvanje i korištenje dokumentacije o privatizacijskim transakcijama nastale dijelom u vrijeme obavljanja unutrašnjeg platnog prometa u Zavodu za platni promet, a dijelom kroz obavljanje tih poslova u Agencijama AFIP i FIP, daje se u nadležnost Agencijama AFIP i FIP.

III.

Agencije AFIP i FIP su dužne postupati po zahtjevima fizičkih i pravnih lica i dokumentaciju o obavljenoj privatizacijskoj transakciji u vidu naloga za prijenos potraživanja i obrazaca P-1, P-2, P-3 i P-4, tražiocima stavljati na uvid i korištenje. U realizaciji obaveza iz prethodnog stava Agencije AFIP i FIP i Agencija za privatizaciju u Federaciji Bosne i Hercegovine ostvarit će potrebnu saradnju.

IV.

Agencije AFIP i FIP su dužne da na zahtjev fizičkog i pravnog lica prezentiraju dokumentaciju iz tačke III. Ove Odluke.

V.

Za usluge iz tačke III. ove Odluke Agencije AFIP i FIP naplaćuju naknadu u skladu sa cjenovnikom koji utvrđuju Agencije AFIP i FIP, uz prethodnu saglasnost Federalnog ministarstva finansija-Federalnog ministarstva financija.

VI.

Nadzor nad provođenjem ove Odluke vrši Federalno ministarstvo finansija-Federalno ministarstvo financija.

VII.

Ova Odluka stupa na snagu narednog dana od dana objavljivanja u „Službenim novinama Federacije BiH“.